



Комсомолю Вайгяль

Сембе масторнь пролетариятне, пуромода марс!

ЛИСЕНДИ VIII-це КИЗОСЬ

ВЛКСМ-нь Мордовский
обкомть и Саранский
горкомть газетасна.

Адресь: г. Саранск, Советская ул.,
Дом печати, Телефон № 1—60.

ПИТНЕЦ 5 тр.



август

13-це шистонза 1940 кизоня

ВТОРНИК

90 (1742) №

ЛИСЕНДИ КОВТИ 12-ксть

СОТНЕКШНЕМС ПРОПАГАНДИСТСКИЙ РАБОТАТЬ ПРАКТИЧЕСКИЙ МАРХТА

Партиять руководителенза аф
весть шарфнезь комсомольский
руководительхненъ мяльснон сянъ
лангс, штоба эрь комсомолецъ
улень агитаторкс, пропагандис-
токс и организаторкс. Комсомоль-
ский руководителда, конат то-
надсть ни правильвайста сотнемс
революционной теориять тонаф-
неманц практический деятельность-
снон мархта, миньонк лувондови
аф кржа.

Цебяръ кепотькс тя тевсанияни
ВЛКСМ-нь Ицарский райкомть
секретарец Лосев ялгасъ. Сон си-
деста йотафни беседат комсомоль-
ский активъ йоткса пропаган-
данъ кизефксненъ коряс, ванонды
башка активистненъ конспект-
снон, тиенди Марксизманъ-Лениниз-
манъ классикненъ башка произве-
денияснон коряс лекцият и док-
латт.

Аф калдяв кепотькст тя тевса
тяфтажа няфни ВЛКСМ-нь Боль-
ше-Игнатовский райкомть секре-
тарец Малькин ялгасъ. Сон, лац
тонафнемом ВКП(б)-ть историянц,
лувонды активист лекцият и тиенди
доклатт. Сон лац сотнекшнесы
эсь пропагандистский работанц
комсомолецненъ производственной
деятельностьснон мархта. Тянь
вельде нинге сяда вишкотеппе од
ломаттненъ йоткса стахановский
движениять. Работанъ тяфтама
практикась максъ ни эрявикс ре-
зультатт. Од ломаттне, васенда-
киге комсомолецне, конат рабо-
тайхть колхознай и государствен-
най производстваса, кафтонъ-кол-
монъ крда кеподезъ трудонъ про-
изводительность.

Но улихть нинге комсомольский
руководительхть, конат лувонд-
сазь пропагандистский работать
нльне шорайкс комсомолть прак-
тический деятельностенцты. Бта,
кда синь кармайхть занимандакш-
нема ВКП(б)-ть историянц тонаф-
неманц мархта, то эста лоткай
или кири организацияса прак-
тический работасъ.

Комсомольский руководительсь,
конац аф тонафнесы ВКП(б)-ть ис-
ториянц, сидеста арси делегакс и
концелярский бюрократкс. Тянь
колга цебярста корхтайхть
ВЛКСМ-нь Ардатовский и Козлов-
ский райкомтненъ работаса кой-
кона фактне. Нят райкомтненъ
секретарьсна Торопкин и Осипов
ялгатне революционной теориять
эса тонафнихть случайста-случайс.
Тянь сюнеда тейст ашезь максов
эрявикс лезкс комсомолецненди
тевса. И лиссь, што нят райот-
тненъ эса комсомолецненъ инъ ла-
мосна аф работайхть эсь идейно-
политический уровеньон кепод-
деманц лангса, дисциплинась йот-
ксост вельф лафча. Тянь колга
корхтай хотя ся фактс, што Ар-
датоваса колмоксъ савсь кочкамс
комсомольский активонъ фкя соб-
ранись, колхозга пуроптф комсо-
мольско-молодежной звенатне
срадсть.

Комсомольский работникне, ко-
нат нинге серьезна ашесть кяр-
модь марксистско-ленинский тона-
фнемати, аф сотнекшнесазъ эсь
организационнай работаснон про-
пагандистский мархта, обязатт
маластонъ пингтъ машфтомс тя аф-
сатыксть.



СССР-нь Верховнай Советъ Сисемце Сессияц единогласна кемокстасень закоттненъ Союзнай Молдавский Советский
Социалистический Республикатель образовандаманц колга и Советский Союзъ составс Литовский, Латвийский, и Эстонский Со-
ветский Социалистический Республикатненъ примамаснон колга
СССР-нь нароттненъ павазу семьязост.

Рисункась В. Барковъ и В. Лисевичъ (Фото-Клишесъ ТАСС-тъ)

ВКП(б)-нь Мордовский Обкомъ IV пленумоц

Тя кизонъ августъ 10-це шистонза аделавсь ВКП(б)-нь Мор-
довский обкомъ IV пленумоц работанц.

Пленумъ обсудил ВКП(б)-нь ЦК-ть июльский пленумоц итогон-
зон колга Петушков, ялгатъ докладонц и СССР-нь СНК-ть и ВКП(б)-нь
ЦК-ть постановленияснон колхозга общественной животноводстванъ
развитиянъ планть пашкодеманд колга Сафонов ялгатъ докладонц.

Пленумъ примасъ ня кизефксненъ колга соответствующий
решеният.

СССР-нь Верховнай Советъ Президиумоц

Указоц

Производства йомла саламатненъ и хулиганствать инкса
уголовнай ответственность колга

1. Ладямс, што предприятияса или учрежденияса тиф „мелкай
саламась“, кода сон лемневи, аф ва-
номок сянъ лангс, конашка сон-
карается фкя кизонъ срокс тю-
ремнай заключенияса, кда, сен эсь
характеронц коряс аф таркси за-
конц коря сядонда оцю наказания.

2. Ладямс, што предприятия-
ненъ, учреждениятненъ эса и обще-
ственной вастса хулиганский дейст-
виятне — караются фкя кизонъ
пингс тюремнай заключенияса,
кда ня действиятне эсь характер-

снон коряс аф тарксихть законц
коря сядо оцю наказания.

3. Мяргомс Союзнай респуб-
ликанъ Верховнай Советтненди
тиемс уголовнай кодексненди из-
менения тя указъ соответствияса.

СССР-нь Верховнай Советъ
Президиумоц председателец
М. КАЛИНИН.

СССР-нь Верховнай Советъ
Президиумоц секретарец
А. ГОРКИН.

Моску, Кремля 1940 к. августъ 10-це
шистонза.

Кельгсы эсь тевонд

„13-й Октябрь“ колхозса Евдо-
кия Федоровна Глиновасъ телятни-
цакс работай вов ни 3-це кизось.
Сон пяк кельгсы эсь работанц.
Глинова ялгасъ тейнза кемокстаф
вазнятненъ мельге якай, кода
идень кельги тяля. 1939-це кизо-
ня сон касфтс 25 вазня. Глинова
ялгатъ работанц пингста ашель
фкявок стама случай, штоба ура-
доль хоть фкя вазня.

Колхознай жувататненъ мельге
якаманкса Глинова Евдокиясь кол-
хозникненъ йоткса пользован-
дай оцю авторитетса и лувондо-
ви инъ почетнай колхозницакс.
Цебяръ работанц инкса колхозонъ
правлениясь Глинова ялгатъ аф
весть премировандакшнезе.

И. Паршин.

Зубово-Полянский район.

Нормаснон пашкотькшнесазъ, кафтонъ крда

ВКП(б)-нь ЦК-ть и СССР-нь
СНК-ть съора урядамать и госу-
дарствати сельхозпродуктанъ ано-
ламать колга постановленисна ла-
мода кеподезе колхозга трудонъ
производительность. Сире Сомай
велень „Валда ки“ колхозса кол-
хозницатне Тимошкина Матренасъ,
Тимошкина Мариясь и Сергеева
Ульянась тyani эрь шиня съоронъ
сотомаса работанъ нормаснон паш-
котькшнесазъ кафтонъ крда. Синь
аф мяннихть работаса фкявок ши,
фкявок част.

Тяфтама работниконъ и работ-
ничанъ лувксъ колхозса ламода
кась. Но колхознай правленияти
тянь лангс лотксемс аф эряви,
а эряви сатомс ся, штоба нинге
сяда вишкотеппе колхозникненъ
йоткса стахановский движениять.
Ачайкин.

Рыбинский район.

Аделазь розень урядамаснон

Шямонъ велень колхозса цебяръ-
ста организовандаф трудс. Лисе-
мок съоронъ урядама, колхозникне
и колхозницатне пяк дружнайста
работазъ пингта инголе и цебяръ
качества мархта аделазь розень
урядамать июль 30-це шистонза.
Тяни колхозникне тяляйхть съо-
ра и васень тяляфть эса ускыхть
государствати.

Н. Инякин.

Ковылкинский район.

Агитаторхненди лезксонди

Международнай Юношеский XXVI-це шись

ВЛКСМ-нь Мордовский обкомт секретарец Я. САЗАНОВ.

1940-це кизонь сентябрьста сембе миронь трудящай од ломаттне кармайхть праздновама Международнай Юношеский XXVI-це шить. Международнай юношеский шись — тя революционный од ломаттнень эсь политический, экономический праваснон инкса и капитализмат и грабительский империалистический войнать каршес эрь кизонь традиционный выступленийсна. Нят шитне ашихть империалистический странатнень эса од ломаттнень революционный движенияснон развитияцты знаменательнай датакс.

МЮД-сь шачсь васенце империалистический войнаны зярьфть и качамть потмоса. Сонь йотафтомац ульсь примаф 1915-це кизоня од ломанень социалистический организациять Бернский конференциясонза, кона ульсь терьф В.И. Ленинонь инициативанц коряс. Международнай Юношеский шись тиевсь империалистический войнать каршес од ломанень революционный тюреманы лозунгть ала, ся пингть, мзярда большевикне Ленинонь и Сталинонь руководстваснон вельде вятсь инь вишке тюрема II-це Интернационалонь оппортунистнень каршес, (конат позорна мизь сембе рабочей классть интересонзон и йотасть империализмат аралама), настоящей интернационализмат тиemanц инкса, империалистический войнать гражданский войнакс шарфтоманц инкса.

В. И. Ленин максесь пяк оцю значения од ломаттнень революционный движенияснонды, пяк кемоста ванць социалистический юношеский организационнь работаснон мельге, ванфнезень эльбияткснень эзда, максесь направления синь работаснонды, тернезень од ломаттнень революционный тюремат.

Васенце МЮД-сь ульсь йотафть 1915-це кизонь октябрь 3-це шистонза. Тя шиста лама странава од ломанень демонстрациятнень эса участвовандась сяда тьожаньда лама ломань.

1916-це кизоста МЮД-ть праздновандазь Италиянь, Германиянь, Австро-Венгриянь, Даниянь, Американы и лама лия масторонь од ломаттне.

Россиянь од ломаттне васенцеда МЮД-ть йотафтозь 1917-це кизоня революционный большевистский лозунг ала, праздновандамац ульсь Москву ошса Великий Октябрьский Социалистический революцияда 3 неделадя сяда инголе. Партиянь VI-це с'ездсь Сталин ялгать руководстванц ала од ломаттнень колга лифтсь решения, конатнень ульсь оцю значениясна аф аныцек Россияса юношеский движениять вишкостемаса, но и од ломанень международнай движениятыге. IV-це МЮД-сь 1918-це кизоня йотась сембе мирть эзга Советский Республикаты араламань лозунгонц ала. Интервентонь армиятнень пряснон вельфке сембе миронь од ломаттне венепнезь кядьснон од советский республикаты братский лезксонь максоса.

1919-це кизоня Коминтернат исполкомоц Ленинонь и Сталинонь руководстваснон ала обратился призыв мархта миронь сембе революционный од ломаттненьди од ломанень коммунистический интернациональ созданиянц колга. Международнай юношеский шить сембе миронь революционный од ломаттне праздновандазь КИМ-ть руководстванц ала. Зем-

ной шаронь сембе странатнень эса демонстрантне мольсть демонстрацияс лозунг мархта: „Шумбра улеза сембе миронь революциясь!“, Шумбра улеза Советонь странась!“. Шумбра улеза Коминтернась!“. Сяда меле эрь кизоня сентябрьт васень шинзон эзда фкя шиста сембе миронь революционный од ломаттне боевой якстерь знамя ала няфнесазь эсь моральной единстваснон, империалистический войнать каршес тюремаснон, СССР-ть — мировой пролетариатть отечестванц араламань анокиснон.

XXVI-це Международнай Юношеский шить миронь од ломаттне васфнесазь тя пингс нинге мзярдонга небывалай международнай сложной обстановкас. Империалистический войнась палы сембе вийса, сон фатязе эсь толонц алу земной шарть населениянц пядеда ламонц.

Англиянь и Франциянь правящай крукне 1939-це кизонь сексенда навязали эсь народснонды и Европаса лама иля сосударствань вароттненьди бессмысленнай кровавай империалистический война, конац розарай рабочейхнень и крепстьтнень. Европаса войнась получась оцю размах. Сонь эсонза примосихть участия крупной империалистический странатне, кода Англиясь, Франциясь. 1940-це кизонь июньста Германиять мархта шоворсь Италиясь, кона азсь война Англияти и Францияти. Германиясь нюрхкяня пингста поразил Норвегиять, Даниять, Бельгиять, Голландиять, Люксембургть и 30—45 ши пингста тапазе Франциять, кошардомок сонь подписать Германиять ширде диктовандаф перемириянь условьят.

Тя кровавай битвась срхкафть Англиянь и Франциянь крупнейшай банкирхнень и промышленникнень Чемберленть, Даладзеть, Черчилль, Рейнонь и лиятнень мархта. Фронттнень эса юмафть лама тьожатть од ломань, кадсть сиротакс аф фкя миллион аята, сире бабат и итть. Войнась калафтьсь лама кемотть и сядот ош и веле. Съкамонза аныцек Францияса аф официальной даннайхнень коряс, юмафть арафть примерна 100 миллиартт франкань питне ценностть.

1940-це кизоня плязаста кармасть вооружаться Американы Соединеннай Штаттне, коса военной нужданди асигнованиясь лувондови 7,5 миллиартт доллар, а 1933—34-це кизотнень пингста США-са вооружениянди бюджетти ульсь асигновандаф сембоц аныцек 450 миллион доллар.

Военный бюджетть касоманц мархта Соединеннай Штаттнень эса кирьфнесазь средстватнень, конат нолявихть образованиянди. Нью-Йорк штатса образованиянди расхоттне ингольден кизотнень коряс кирьфгафт 31 миллион долларс.

Мекольдень сяда кизотнень пингста народнай образованиянди тяшкава кржа средстват нинге исть карьхцякшне.

Официальной даннайхнень коряс США-са миллион идь, конат аф тонафнихть, а уликс школатнень эса аф шуроста эрьси, што тонафнихть стядя.

...Детройтса безработнайть эряфонц коряс пинень эряфсь лувондови сяда питникс, — сьормады Ньюс-мэссес — американский журналсь. 1939-це кизоня Детройтонь

муниципалитетсь панц ошень питомникса 200 пинень кирьдеманкса 83640 доллар и сьака жа пингста йотафть 100 тьожатть доллар уцсема куттнень эса 1100 одинокай безработнайнь уцсеманкса: 413 доллар 20 цент пиненкса, 90 доллархт 90 центт ломанть инкса.

Шиста-шис касы безработицасы Испанияса. Валенсияса безработицаса фатяф пцтай 80 процент рабочей Каталонияса текстильной фабрикатне пцтай йофси аф работайхть, и рабочайхне йордафть ульцяв.

Империалистический войнаны сембе сталмотне люпштайхть трудящайнь массатнень лафтуснон лангс. Синь цьорасна шудихть верса сражениянь паксят лангса.

Капиталистне йорасазь люпштамс рабочей классть сембе вийнц, аф азомшка касфнесазь рабочей шить. Францияса рабочайхне работайхть суткати 18 част, а работницатне — 12 част.

Англияса йотафневи 70 часовой рабочей неделя, аш ваймама ши. Военной промышленностень койкона предприятиятнень эса рабочей неделась пачфть 84 частс. Япониянь текстильной фабрикава аватне, конатнень йоткса инь ламось аф совершеннолетнихть, работайхть 19—20 част суткати. Будапештонь санитарнай инспекциять 1940-це кизонь апрелень отчетсонза пачфневи, што тя коства инфекционной урмаса сярдиень лувксь, а тяфтажа туберкулезть эзда куломань случайхне ингольцен ковь коряс ламода кассть. Аныцек туберкулезнай лечебницатнень эса регистрировандаф одс сярядида 3036, сьака лувксса 13 кизонь возрастти модемс шабада 1943 ломань. Мобилизованнайхнень рьвасна, конат получандайхть пяк йомла пособия, вынужденнайхть модемс работама пяк сквернай условияс, коса рабочей неделать кувалмоц 60 част. Сембе воявай и оккупированнай странатнень эса населениати продовольствиясь максеви карточкас коря продуктань пяк йолма нормаса.

Омбоце империалистический войнась вяти человечествать историяса нинге апак няенть од ломанень юмама-арамати. Капиталистический странатнень эса идень трудть использовандамац сатни чудовищнай размах. Аф азомшка кувака рабочей шись и пяк йолма трудонь питнесь шафчихть од ломаттненьди массовой сярдема. Эрь шиня йоравихть фабрикатнень и заводтнень эзда сядот тьожань од ломань, касфнемок безработнайнь лувксть, синь лядондыхть эрямань средствафтома. Тяфтама условияс эряйхть од ломаттне капиталистический мирса.

Колма кизот вов ни вяти китайский народсь героический национально-освободительнай война. Китайский народонь сембе слойхне и страна политический партияне пуромсть фкя, единая национальная фронтс японский интервенциять каршес тюремаса.

Китайский комсомольс японский захватчикнень каршес успешнайста тюремать инкса пуромсь марс од ломанень массовой организациятнень мархта. Шиста-шис кемокскай китайский од ломанень единствась, ся единствась, кона календави японский империалистнень каршес тюреманы фронттнень эса. Китайский народть освободи-

тельной войнаны 3-це годовщинац угаджши стама пингть мархта, мзярда японский армиясь васфнемок китайский народть кеме сопротивлениянц, коданга аф шаштови инголи странаты кунчказонза. Китайский народсь самоотверженнайста аралай эсь модань эрь пядть инкса.

Касы и келеми од ломанень движениясь сембе мирса империализмат и войнать каршес. Сембе миронь од ломаттне оцю гордостьса ваныхть советский павазу и радостнай од ломаттнень лангс.

XXV-це МЮД-ста сьавомок йотаф пингста сталинский мудрай политикать вельде советский народонь дружной семьяти сувасть Западной Украинаны и Западной Белоруссиянь нароттне, конат 20 кизонь пингс ульсь польский помещикнень и капиталистнень гнетснон ала. Мрдафть меки Советский Союкти Бессарабиясь и Севернай Буковинаць пяльсоп. Литвась, Латвиясь и Эстониясь. Советский Социалистический Республикань Союзть населениянц 170 миллионца кась 193 миллион населениясь.

Международнай Юношеский XXVI-це шить праздновама советский странаны ошень и вельень ульцятненьди лисихть мирса сталинский инь павазу и радостнай од ломаттне. Тяшиста сембе вийса гайнязевихть советский од ломаттнень моросна. МЮД-ть XXVI-це шистонза советский од ломаттне демонстрировандасазь эсь сатфкснон, конат сатф Ленинско-Сталинский партиять руководстванц ала XVIII партийнай с'ездть мархта путф исторический зачатнень пашкодемаса хозяйственной и культурнай строительствань сембе участкатнень эса.

ВКП(б)-ть XVIII-це исторический с'ездтонза меле кемонь миллионнай Ленинско-Сталинский комсомольс, конац сплоченнай эсь тядянц — большевистский Всесоюзный Коммунистический партиять перьф, тись оцю работа.

Аф азомшка кась комсомольт ролец государственнай и хозяйственной строительства. Комсомольс примосесь активной участия трудящайнь депутатонь местнай советтненьди кочкаматнень йотафтома, оцю лезкс максси Сталинский 3-це Пятилеткань крупнейшай об'екттнень строямаса. Велень хозяйстваса комсомольс аши всенароднай движенияса — эрь гектарста 100 пудовой урожайнь получама инкса тюреманы инициаторкс. Тонафнемок военнай тевть, Ленинско-Сталинский комсомольт воспитанинконза героически аралазь отечествовать интересонзон, няфтсь мужество и отвага Халкин-Голса, ненавистнай польский панствать эзда Западной Белоруссиянь и Западной Украинаны нароттнень араламаса бойхнень эса и белопитнень каршес сраженияса.

Комсомолецнень Койдаты, Пулькинь, Пургинть, Васильевть, Марковть и лама лиятнень лемсна вельхтяфт неувидаемой славаса, синь заслужили Советский Союзонь Геройнь звания. Ленинско-Сталинский комсомольс и сяда товонга любовью минутаста анокарамс социализмань великай странаты граничанзон аралама, аф ваномак кодамоков трудностень лангс.

КОМСОМОЛЬСКИЙ ЭРЯФСЬ

Сембе ширде анокста
васьфтемс руководящай
комсомольский органонь
кочкаматненъ

Сентябрь васьне шистонза савомок октябрь васьне шинцы модемс кармайхть йотама руководящай комсомольский органонь кочкамат. Нят кочкаматне комсомольский организационенди ащитхь серьезнай экзаменкс, конатненъ образовайста йотафтомасна должен нинге сяда цебарьгофтомс комсомольский работать. Оцю сатфкс мархта Мордовиянь комсомольский организационь васьфнесыне вят кочкаматненъ. 1938-це кизонь октябрьста савомок и 1940 кизонь июль васьне шинцы самс комсомолу примаф 29831 од член. Пяк ламода кассть Чамзинский районнай организационь, конат тя пингть примасть комсомолу 1233 ломань, Ардатовский—1357 ломань, Торбеевский—1205 ломань, Саранск ошень организационь—2421 ломань. Тя сатфкссь кошаресыне комсомольский руководителхненъ нинге сяда вишкотеми комсомолса воспитательнай работать.

Областной комсомольский организационь эса кочкаматненди моли деятельнай аноклама. Комсомолонь лама райкомт, кода Краснодободскийнь, Торбеевскийнь, Рыбкинень, Иксарань, Ельниковскийнь и лия райкомтне сьормадсть ни руководящай комсомольский органонь кочкаматненъ колга платт, кучсть первичнай организационенди райцентра комсомолетт-активистт, конат лездыхть первичнай организационенди тонадомс кочкаматненъ йотафтомаснон колга инструкцихть.

Эрь комсомольский организационь нят лядыкс шитненъ пингста эряви сембе ширде анокламс тя важнейшай задачати, тяникиге анокламс помещения, кося кармай йотама выборнай собраниясь, анокламс ящик,—сембонь, мезе эряви кочкаматненди.

ПЯТУНИН,

ВЛКСМ-нь обкомт инструкто-роц.

КОДА ПАННЕВИХТЬ КОМСОМОЛЬСКИЙ ЧЛЕНСКИЙ
ВЗНОСНЕ

Аккуратна панневихть и максевихть сберкассав членский взносне Атюрьевань райфонь, райисполкомонь, Чапаевть лемса колхозонь и лама иля первичнай комсомольский организационенъ эса. Но улихть нинге комсомольский организационь, конат и тяниенге нарушандакшнесазь ВЛКСМ-ть уставонц. Тяфтамкс лувондови Барановка велень комсомольский организационь, кося секретарсь Явишкин ялгась ашезь макс сберкассав взносн мянь кота ковокса; М. Козловка велень организационь, кося секретарсь Кукаев ялгась 5 ковокса вшезь макс взносн сберкассав. А Дм.-Усад велеса комсомолеттне членский взноснон 3 ковокса нинге афи пандозь. ВЛКСМ-нь райкомт видеса первичнай комсомольский организационь сянь вастс, штоба няфтемс иля первичнай организационенди кепотыкс, нарушандакшнесы ВЛКСМ-ть уставонц. Тяся комсомолеттне нилень ков ашезь панда

членский взноснон.

Пяк кальдывста ащи тевсь районца шефский и интернациональной взносонь пандомать коряс. Шефский и интернациональной взноста эряви пандомс 270 цалковай, а июль ковти пантф аныцек 24 цалковай. Тя лиссь сяс, мес ВЛКСМ-нь райкомс тя тевть ширес ашезь шарфне кодамовок мяль. Сон нльн аф содасы, кодама организационь пандозь и кодапт ашезь панда шефский и интернациональной взноснон.

Кой-кона первичнай организационенъ эса членский взносонь пандомать колга ведомостне использовандакшневихть аф эсь кигаст. Тяфта, например, нарсудонь первичнай организационь ня ведомостненъ коряс кочкесть МОПР-нь взносн.

ВЛКСМ-нь райкомт сембе нят аф сатыксне эрвихть лувомс и ладямс тевсь членский взносонь пандомать коряс.

И. Шлаев.



СНИМКАСА: Рузаевка станциянь депонь вагоно-ремонтнай бригадась работань норманц пашкотыкшнесы 170 процентс модемс. (Кяржи ширде види шири): бригадирсь З. Х. Мухаев ялгась и слесарьхне комсомолеттне В. Кирничев, Карнышин А. и Ларин И. ялгатне.

Фотось Касперть.

Пионеронь кудть работац

Павазу и жизнерадостнай пионерхненди и школьникенди культурнайста и разумнайста ваймать организовандаманцы ащи фкия инь прекраснай пингокс кизось. Пионерхне и школьникенди конат ашкотфт партиять, правительствать и лична Сталин ялгать эрь шинь заботаснон мархта, пользовандайхть сембе уликс возможностьтенъ мархта тонафнемаса, пионерский лагерьхненъ эса ваймамаса и ст. тов.

Семботь иттенди, родинань юнай патриоттенди — саттненъ, паркненъ, кинотненъ, театратненъ, культурнай учрежденихненъ, тяфтама лозунг ала заботай эрь старшай ялгась минь од поколениять воспитандамаснон колга, конатненъ инголе ащи оцю созидательнай работа.

Саранскийнь пионеронь Кудсь тядденъ кизонь пингть пионерхненъ и школьникенъ мархта йотафтсь оцю работа. Кда йотай кизонь пионерский кудса кизонь берф молись ремонт, конань сюеда сембе уликс кружокне лоткафнезь эсь работаснон, то тядде кружокне кизондавок вятихть вишке работа.

Иденъ творчествань и художественнай самодеятельностьенъ рес-

публиканский олимпиадати анокламаса пионерский кудонь активисттне Дуденков Васясь, Джебраева Катясь, Антонов Лешась, Купцова Тосясь, Платонов Витясь, Вера Жуковась и лама лия пионер и пионерка примосесть инь активнай участия и олимпиадаса занязь васьне вастть. Пионерский Кудсь сатозе республиканский якстерь знамать.

Тя кизонь пионерский Кудсь йотафтсь кафта оцю похотт, конатненъ эса участвовандасть 200 пионер и пионерка. Советский Союзонь юнай граждаттне воспитандайхть эсь эсост стойкость, выносливость, мужества и героизма.

Иденъ паркса пионерский кудонь активт инициативанц вельде йотафтф пионерский костерхт. Активсь примосесь активнай участия иденъ кинофестивальт йотафтомаса. Кинофестивальт йотафтомста пионерне организовандакшнесть художественнай самодеятельностьенъ прекраснай выступленийт; выступандасть физкультурно-акробатический номер мархта Всесоюзнай физкультурнай шиста. Йотафневихть культурнай налхкомат—шахматно-шашечнай турнирхт, волейболса, футболса, билиардса налхксемат.

Концертнай группась мольфти эрь шинь вишке аноклама работа и маластонь шитненъ моли Ардатовский пионерский лагерьхненъ обслуживандама.

Августть 13-це шистонза Макаровский вири организовандави колма шинь пингс оцю поход, конань эса примайхть участия 200 пионер и школьник. Лама кизефкт максихть шабатне эсь руководителхненды. Кажнайсь анокс тиенди план, кода сяда цебарьста йотафтомс походить, кода тиенс цебарь кош, военнай налхксемат и ст. тов.

Аф кальдывста работай футбольнай командась. Сон йотафтсь футбольнай 12 матч.

Но рядсок сембе сатфксненъ мархта улихть оцю аф сатыкстка пионеронь Кудть работаса. Аф сатомшка цебарьста ащи тевсь обороннай работать вишкотеми, обороннай значоконди норматненъ максомаса. Пионеронь Кудсь аф сатомшка лезкс максси иденъ паркса работать цебарьгофтоманцы.

Пионеронь Кудть руководителхненды и марнек активт эрви работась вишкотеми, штоба иденъ парксь араль пионерхненди и школьникенди досугонь йотафтомаса культурнай центракс.

Н. Я. Растегаев,
Л. Ф. Махотина.

Куроконя

цебарьгофтомс работать

Комсомольский руководящай оргаттненди кочкаматненди анокламась—комсомолеттненъ фкия инь важнай задачна. Тя оцю политический важностень кампанияти анокламась должен модемс производственной выработкань норматненъ вельф пашкодемаснон мархта кеме сотксса.

Но тяфта ли ащи тевсь ВЛКСМ-нь Рузаевский железнодорожной и паровознай депонь комитеттенъ эса? Ламода аф тяфта. Железнодорожной узловой комитетонь секретарсь Богомудров ялгась тя тевть разрешандаманц колга тись формальной план, но конкретнай тев тячимс аш.

Тяфтамс ащи тевсь ВЛКСМ-нь паровознай депонь комитетсовок. Комитетонь секретарсь Бармин ялгась назначандакшнесы июль 23-це шинцы комсомольский общай собрания, кося йоразь обсуждандамс ВЛКСМ-нь ЦК-ть XI-це пленумонц решениянзон, но собраниясь сязьф. Тяся няеви, што паровознай депонь лама комсомолетт тячимс аф содасазь ВЛКСМ-нь ЦК-ть XI-це пленумонц решениянзон.

Тяконь мархта эряви азомс, што тяфтамс аш кодамовок порядка комсомольский хозяйстваса. Рузаевский узелонь комсомольский организационь тусть 39 комсомолетт, конат тячимс апак валхтт учетста.

Комсомольский организационь кальдывста ладяф агитационно-массовой и культурнай работась. Тянь сюедакомсомолеттненъ йоткса стахановский движенихь кась пяк лафчста. Йотась ни пятай кафта кофт, кода паровознай цехса аш комсорг. Комсомолеттненъ йоткса работась моли эсь отям. Аф ваномок тянь лангс, Богомудров и Бармин ялгатне комсомолеттненъ йоткса агитационно-массовой работать вишкотеми и кемокстаманц инкса тянемс ашесть прима эрвикикс мерат.

Аф сяда цебарьста ащи тевсь Рузаевка станциянь движенихь комсомольский организационьсовок. Тяся тяфтамс аш комсорг, и сембе работась моли эсьотям.

Паровознай депонь общежитиясь эрвихть лама од ломатть, конатненъ йоткса аф вятеви кодамовок агитационно-массовой работа, аф ваномок сянь лангс, што тя тевти кемокстафт читкань и беседань йотафтома Иванова, Морозова, Семеникова комсомолкатне, но сяс мес синь порученияснон пашкодемаснон мельге аф вятеви контроль и аф макссеви практический лезкс, синь мезевок аф тиендихть.

Тя тевса виноват аф аныцек Бармин и Богомудров ялгатне, но инь пяк виноват отделениянь политотделонь начальникт комсомолт коряс заместителец Моськин ялгась.

И. Сафрыгин.

АФ СОДАСАЗЬ ВЛКСМ-НЬ
ЦК-ТЬ ПЛЕНУМОНЦ
РЕШЕНИЯНЗОН

„Сяре большевик“ колхозу (С. Синдровский р-н) райкомсь надияфнесь кучемс тязя представителъ тянь колга, но вднатъ, пингонь йотазь юкстазе, и комсомолеттне тя первичнай организационь тячимс аф содасазь ВЛКСМ-нь ЦК-ть XI-це пленумонц решениянзон, аф корхтамонц ни работать одукс тиенанц колга.

Горский.

Сатомс трудонь оцю производительность

Рабочай шить, неделать кувал-гафтоманц и производстваста самовольна тумать запрещенийц колга СССР-нь Верховнай Советть президиумонц Указонц эряфс йотафтомаса Ленинско-Сталинский комсомолсь производстватненъ и предприятияненъ эса кирди оцю роль.

Вишке агитационно-массовой и культурно-воспитательнай работать вельде од рабочайхненъ йоткса шиста-шис кемокстай трудовой дисциплинась, кирьфневихть прогулхне и аф азомшка касы трудонь производительность.

Саранскийнъ котониннай фабрикань комсомолецне, од рабочайхне, вятемок эсь йотковаст социалистический соревнования, производственной нормаснон пшкотькшнесазь вельф. Тяфтажа фалу вельф пшкотькшнесазь нормаснон стахановкатне, комсомолкатне Курмаева, Дружинина и Хохлов ялгась. Заготовительнай цехонь рабочайсь М. С. Александров ялгась пшкодезе норманц—147,7 процентс, Ворожейкинась — 147,6 процентс, Песков ялгась—144,7 процентс.

Тя трудовой энтузиазманъ подьемсь лишнайксть няфнесы трудящайхненъ социалистический сознательностьснон касоманц. СССР-нь Верховнай Советть Президиумонц тя исторический указдонза инголе котониннай фабрикаса ульсь 45 прогулонъ и работас поздаманъ случай, а указада меле синь кирсть. Производства самовольна туйда указада инголе ульсь 7 случайхть, а указада меле аш фкявок.

Но сембе тя нинге аф саты. Котониннай фабриканъ комсомолецнеиди нинге сядонга пшк эряви вишкотеми агитационно-массовой и культурно-воспитательнай работать од рабочайхненъ йоткса, штоба машфтомс прокс прогулхненъ и опозданиятненъ, сатомс трудонь оцю производительность.

Г. Пьянзин.



СОВЕТСКИЙ ЛАТВИЯСА.
СНИМКАСА: Латвийский од ломатне национальной костюмсот.
(Фото-клишесь ТАСС-ть).

Оцю награда

Анна Борисовна Парфенова ялгась лама кизот работай „Валдаки“ колхозонь СТФ-са заведующайкс. Сон эсь работасонза няфни стахановский трудонь образецт. Эрь кизоня касфнесы СТФ-сатувонь поголовьять. 1938 кизоня сон средняйста эрь свиноматкаста получась 20 пурьх. Сатомок ня сатфксненъ, Парфенова ялгась кармась нинге сядонга упорнайста работам. Сон цебарьста кемокстазе СТФ-са трудовой дисциплинать, нинге сядонга цебарьгофтозе тувотненъ мельге ухотть, конанъ вельде 1939 кизоня эрь сви-

номаткаста сатсь 22 деловой пурьх.

1939 кизоня, кода передовой животновод, сон ульсь участник Всесоюзной велень хозяйстванъ выставкаса. Главвыставкомсь сонъ казезе „Сиянь йомла медальса“ и 500 цалковой ярмакса.

Анна Борисовна Парфенова ялгась эсь эскпонатонзон мархта участник Всесоюзной велень хозяйстванъ выставкаса 1940 кизонявок.

Н. Лобанов.

Кадошкинский район.

Англо-германский войнась

Германский командованиять августь 10-це шинь сводкасонза корхтати, што германский подводнай фкя лодкась ваяфтсь английский вооруженнай пароход, конанъ водоизмещениец 9.130 тонна. Германский авиациясь августь 10-цешистонза йотафтсь разведывательнай полетт Англиять и морять вельксса. Английский важнай порттненъ инголи ульсь путфт минат. Германский самолетне бомбардировандаз Нориджса авиационнай завогтненъ, Хейлса взрывчатый веществанъ завогтненъ и лама лия пунктт.

Английский кулятненъ коряс, августь 10-це шинц карша веть английский самолеттне тийсь нападения Германиянь лама обектонъ лангс. Пшк вишке бомбардировка алу фатявсть Людвигсгафенца и Кельнда военнай завогтне. Завогтненди тиф оцю разрушеният. Английский бомбардировщиконъ лия соединениятне тисть нападения Рурский областса машина китненъ лангс и Германияса, Голландияса и Бельгияса аэродропненъ лангс.

(ТАСС).

ПРИМЕРНАЯ БРИГАДИР

Тоса, коса лац моли агитационнай работась, тоса и тевське моли цебарьста. „Ленинов киге“ колхозса (Кадошкинский район) 1-це бригадаса бригадирсь Горбунов ялгась бригадасонза йотафни оцю массово-разъяснительнай работа. Тянь вельде сон кепсесыне колхозникненъ мялснон трудонъ производительность кеподеманцы. Афстак сьора урядамста пцтай сембе колхозникне работанъ нормаснон пшкотькшнесазь 120-140 процентс. А башка ялгатне, кода звеньеводкатне Ломакина Мария Григорьевнась, Синякина Мария Матвеевнась и лама лият розень нумаса и сотомаса нормать пшкотькшнесазь 170 процентс.

Тяда башка Горбунов ялгась чутка относится колхозникненъ запроссонды. Сон сидеста эрь башка работникть мархта беседовандакшни, няфнесыне работаса сонъ аф сатыксонзон и максистейнза эрявикс лезкс синь машфтомаснон икса. М. А. Синякин.

Кода васьфтезь праздникть

Саранский железнодорожный станциянь комсомолецне железнодорожниконъ шить васьфтезь стахановский трудонъ производительностьса.

Кепотьксонди сявсаськ комсомолецт-стахановецт Кузьмин Володять. Производственной работанъ норманц сон пшкотькшнесы 200 процентс. Сонъ работасонза вестенге ашель брак, вишкста и апак кирнек образовандакшнесыне товарнай поезттненъ.

Аф калдывста работай вокзалонъ дежурнайське, комсомолецсь Ливанов ялгась. Сон эрь шиня прважай тьожяньшка пассажир. Пассажирхненъ мархта обращенияц культурнай и вежливый.

Ня стахановецне активнай общественникт, рабочайхненъ и станциянь служащайхненъ йоткса вятихть культмассовой работа и сембе тевса лувондовихть инголи моликс.

А. Ивенин.

Ответ. редакторсь И. ЧУДАЙКИН.



ВСХВ-са
участник



Кочкуровский райононъ „Якстерь заря“ колхозсь эсь витцеви модастонза оцю площадь видесь каньф алу, конанц мельге прикрепленнайхть постояннай звенат. Каньфонъ касфтомаса заинтересованнайхть сембе колхозникне, сяс мес синь модаснон лангса сон максси оцю урожай. Нят постояннай звенатне соревновандайхть эсь йотковаст.

1938-це кизоня коноплеводческий звенатненъ эзда васенце вастть занязе 19 кизоса комсомолкатъ Зубарева Лидать звенац. Тя звенанъ четтне Зубаревать кочказь звеньевойкс, кода звенаса активнай участница. Сон сявондсь эсь лангозонза обязательства, штоба оцю честь мархта пшкодемс тейнза максф довериять. Сон тяка мялх-

ненъ мархта ушедсь и тяка мялхненъ мархта работась. Умелай подходса кепсезень звенац членонзон мялснон работанъ труднай пингста, работасонза няфнесы производительность оцю показателхть, норманц пшкотькшнесазь 200 процентс и тяфтама показателхть вешсь звенац лия членонзон эзда.

Анькек трудти добросовестнай отношениять и цебарь руководствать вельде Зубарева ялгась сатсь велеса нинге апак куленть урожай. 3,5 гектар прикрепленнай площадьста получась урожай 12 центнер 10 кг. мушка эрь гектарть лангста.

1939-це кизоня сон работанц нинге сяда вишкотеми. Эсь работанъ опытонц тонафтозе звенац сембе

членонзонды, и 4 гектархт прикрепленай площадьть лангста получась урожай 14 центнер мушка эрь гектарста.

Зубарева ялгась, сатомок тяфтама показателхть, макссь заявления улемс участникакс велень хозяйстванъ Всесоюзной выставкаса.

Зубарева ялгать желанияц пшкотьф. Сон ВСХВ-са участница. Тядде сон сявсь эсь лангозонза обязательства, прикрепленай площадьста урожай получамс нинге сяда лама.

Тяни, мзярда прикрепленай площадьенц лангса йотафтозень сембе агротехнический мероприятиятненъ, Зубарева ялгась эсь звенац мархта работай велень хозяйстванъ лия работаса. Цебарь показателхть няфтсь прополочнай кампанияса и нинге сяда оцю показателхть няфни од урожайнь урядамаса.

Зубарева ялгась и сонъ звенац путни лама вийда, штоба пшкодемс Сталин ялгать лозунгонц: „Максомс государствати 7—8 миллиартт пуд сьора“.

А. Мезякаев